

~ 16
2791
4



門 16
2791
卷 4

五屋

潛菴先生遺稿卷之四

睢州湯 斌潛菴著

宣鎮閻梅公甫評定

同里田蘭芳箕山較

粵西平露布 館課

臣聞版泉振旅於皇家輝煌玉簡苗野奮戈於帝世
照耀金封蓋文德丕播不因秉旄誓鉞而增崇而聖
武布昭正兼執玉舞干而益大滄海全歸禹貢淪紘
豈增萬里之波祝融久戴堯封寸地亦尊

晉書卷之三十一 露布

昭和十九年
九月三日
購求

昊天○之○命○非○臣○猷○之○克○壯○咸○與○維○新○實

聖○德○之○如○天○無○遠○弗○届○恭○惟

皇○帝○陛○下○宣○昭○義○問○救○寧○武○功○垂○裳○秉○珪○而○天○下○嚮
風○動○顏○變○色○而○海○內○鎮○定○黃○旄○右○指○劍○閣○雲○新○玉○仗
南○臨○衡○湘○波○靜○白○環○西○獻○流○沙○積○石○之○鄉○楛○矢○東○來
洧○盤○日○出○之○郡○卿○雲○燦○爛○山○林○無○紫○芝○之○歌○日○月○光
華○太○史○著○河○清○之○賦○獨○此○粵○西○星○分○宿○末○地○近○日○南
白○象○陵○山○孔○禽○蔽○野○西○京○之○王○會○不○通○周○禮○之○職○方
罔○載○今○河○山○奠○矣○謂○宜○梯○山○航○海○而○來○王○豈○日○月○出

矣○猶○然○鑽○燧○鑿○榆○而○自○照○蒼○梧○慘○澹○鮫○人○泣○明○月○之
珠○平○樂○蕭○條○估○客○棄○桃○枝○之○簞○臣○等○恭○承

聖○命○遠○播

天○威○組○練○發○而○星○斗○明○旌○旗○張○而○雲○日○曉○樓○船○輕○度
細○柳○營○開○大○將○某○指○麾○明○月○裨○將○某○劍○戟○秋○霜○皆○右
義○左○仁○珮○忠○戴○信○乃○布○德○宣○令○而○纁○組○來○迎○韜○戈○束
旛○而○壺○漿○恐○後○桂○林○象○郡○悉○成○鼙○鼓○軒○舞○之○民○瘴○雨
炎○風○盡○爲○祝○華○呼○嵩○之○地○日○無○私○照○南○邦○永○以○無○虞
海○不○揚○波○北○戶○宴○而○不○閉○幽○荒○絕○壤○始○知○天○子○之○爲

尊六慰三宣。共識聖人之在位。蓋王師無戰。龍城勒
銅柱之勳。大武維揚。薄海靖兵戈之氣。此皆受成
廟計。憑藉

天聲。不然何以熊旆未開。犀甲未振。而鷲山之險。盡
作藩籬。煙瘴之墟。永無狐兔也。君之德也。果如叔向
之言。臣何力哉。豈曰郤穀之讓。臣等無任慶忭。激切
屏營之至。謹奉露布以

聞

鴻文鉅筆。真足懾服遐荒。照耀史冊。袁宏倚馬。又

何足云 梅公

精琢流逸。而氣象恢廓。駢文之以勛力勝者

誅澁滌蕪而康樂。對淵淵文士以傾八瓊。昔
謝安
謝安

藉田頌

有序

順治甲午館課

惟

叙文典穆古茂

皇帝御極之十年。海寓底定。九州內外畢獻方物。大
功既成。禮文肇舉。

郊壇辟雍。典章稽古。大小臣工。黽勉率職。

皇帝覽圖數貢。慨然念曰。予一人受

天明命。撫臨億兆。惟小民稼穡艱難。朕何敢宴然其上。

以忝

宗廟。聞古天子自畊千畝。以供粢盛。有司其具典制以

潛菴先生遺稿 頌

卷之四
聞。明年春。朕將親舉之。越明年二月。宗伯陳期。司空除壇。

皇帝齊祓三日。五更既興。斗牛當中。雲旗凝藹。黛耜載輅。公卿庶官。翼翼恪恪。奔走厥職。庶民慶覩。天顏載欣。載喜既祭。先農牲肥醴潔。尊罍明備。解朝秉耒。具如儀式。竊惟自古神聖之君。有盛德大業。必有奇文博能之士。珥筆執簡。以昭鴻烈。故嘉禾獻瑞。載於周書。十千維耦。周頌歌之。煌煌輝輝。照耀竹冊。千百年來。如耳聞目見。稱爲絕盛。今

皇帝仁恩惠澤。翱翔海表。先是十日親祭。朝日壇。又遣官祭孔子廟。又親祭社稷壇。旬日之內。四舉典禮。而耕藉尤爲數十年未行之曠典。使撰次不得其人。是使

聖德不彰于後世。而大化湮如也。臣滋懼焉。然臣聞得。臣。子。愛。君。之。意。圖治以誠。不以文。故耕藉之禮。代有舉行。而惟周之成王。漢之文帝。爲昭者。蓋二主有仁心。爲質。故天必應之。臣見

皇上軫念民依。知非徒修太平之儀者。自茲以後。五

穗兩岐之瑞。將繼周漢而興歌也。已。臣謹拜手稽首而獻頌曰。

於爍

皇運萬邦攸承。海波宴然。典禮肇興。克敬

昊天

岳瀆式靈。辟雍廟社。鐘鼓維清。乃眷下土。小民之

依。載笠載襖。載耦載耜。露之方灑。日也未晞。暑雨溱

溱。冬雪澄澄。爰

命宗伯。考禮以進。朕將親耕。以倡田峻。郡臣稽首。恭

承

明問敢不敬應。以襄解慍。日底天廟。順時視土。瞽告

協風。工奏靈雨。司空掃壇。金吾陳輅。載耒車右。載履

南畝。霓旌縹緲。旗旒紛糾。雲日開朗。清霞出阜。麗而清

帝乃三推。下則五九。各備其儀。逮於農叟。種稔既播。

貽我來牟。乃獻先農。蒸蒸焯焯。神農饗醴。后稷承

羞。百神醉飽。庶姓歌謳。執爵太寢。勞酒是酬。

帝

乃眷命。母螽母螽。母螽母螽。以報

皇功。豐年穰穰。頌聲洋洋。繼周越漢。奕世無疆。

入周成漢文一段有體有法 梅公

晉菴先生遺稿

莊而腴頌中寓規非自我天覆可擬

[Faint bleed-through text from the reverse side of the page]

勸賑頌 有序

順治十六年歸德霍雨為災自夏徂秋煙雲慘淡洪流浩浩彌望數百里麥未登場黍稷弗播睢州地尤沮洳城郭傾圮蓋父老傳聞以為百年之內所未有也比冬民將扶老攜幼就食四方郡司李饒陽符公慨然軫念遍履部內開誠勸諭繼以涕泣於是各邑聞命輸助麥穀者皆以萬計公之至睢也揖知州事戴侯而言曰上天降災眚於茲土惟我官吏罔獲辭咎其曷敢弗欽既又進紳士耆老再拜而言曰詩云

凡民有喪。匍匐救之。當茲荒歲。窮民流離盡矣。若珍此豆區之遺。倘變生意外。安能洗腆用酒而稱無事乎。眾咸曰唯唯。此流離民誰非我之鄉里親戚。乃重煩明公憂。於是蠲輸者立粥場者。恐後自城市至四境村鎮。煙火相望。前此民之扶老攜幼。奔走四方者。皆相告來歸。繼而河朔淮泗之民。以梁苑為樂土。越明年麥登乃止。當斯時也。予方銜命嶺北。秋八月。請告歸里。入境。睢之父老。曳筇跋履。率其子弟遮道。言公功德曰。去年微公。吾聚已為墟。吾屬已為魚矣。予

曰然。抵舍則父老又曳筇跋履。率其子弟造於庭曰。公大有造於我邦。父母兄弟。惟公之賜。春耕夏藝。惟公之賜。我民何以云報。願為賦詩以紀公功。詠而歌之。子子孫孫。俾勿忘。予乃颺言於眾曰。公官以刑名。職在懲貪糾猾。非錢穀撫循之司也。然公學有淵源。故平日為政。察奸惟明。去暴惟勇。豪民蠹吏。竄伏如鼠。而疾痛負寃之民。若承雨露。公方崇教化。日進舉髦。而課藝之。未嘗恃桁楊之威也。予昔自潼赴嶺。晤公於杞。公為予言刑以弼教。非以為教也。然書不云

乎既富方穀中州自兵火以來家無蓋藏民鮮二鬴
○害○所○關○可○謂○能○言○其○大○
 設不幸有方二千里水旱之災不知何以禦之往
 者天下常多故矣其先由饑饉頻仍縣令不上聞藩
 甸不下信視民間欣戚漠然不關於心以鳩形鵠面
 之人而催科是問於是民始忍以父母妻子所仰賴
 之身而自棄於盜賊夫養不遂則教不興教不興雖
 有臯陶為士亦不可以理此予鯁鯁然不能已於懷
 者噫以公言觀之可謂識治之本矣予既感公之德
 又重以父老之請乃拜手頓首而為頌曰歲在己亥

海丰告災梁園千里蒼茫莫辨麥禾云枯蒲葦塞路
 禾耜高懸爭網魴鮒夜吼蛟龍旋遊鳧鷖苦雨名篇
 愁霖綴賦惟公曰嗟惟我赤子兵火餘生何以堪此
 乃檄守令予親履野時駕輕舸時乘羸馬臯陸渟泓
 旌旆瀟灑八邑咸臨至睢之下呼爾冠紳拜手廣廈
 毋吝爾有哀此孤寡紳士合言惟公之命惠我憚獨
 敢不敬聽乃輸倉廩乃助釜甑煢煢子遺室如懸磬
 聞公之命交手相慶廬幕周旋炊煙繚繞左餐右粥
 歌呼昏曉我公之歸雲霞縹緲淮泗河朔民欣再造

何況宋州敢忘拜禱春爾條桑秋爾滌場我公之功
高山蒼蒼烝爾祖妣洽爾隣里我公之功河水瀾瀾

余閱符君賑政數條可謂救荒良策宜此文之極

力褒揚也 梅公

典博閎深

組地議

睢州地畝州衛錯雜欵項繁多奉文行纏查對數載
地畝有逾額缺額之不同弓尺有長短大小之不一
不能盡符原額致稽轉報從來州縣地畝各有則例
睢州畝數不可比例商鹿睢陽衛弓尺亦不可比例
歸德衛也州地四百八十步為一畝本自清楚無容
置議獨睢陽衛比例歸德衛弓尺不能無議焉歸德
衛弓尺較民弓大三寸八分派銀三分六絲零睢陽
衛除徭役與民弓相同外如屯地則派銀三分五釐

零。新增餘屯。則派銀四分四釐零。較之歸德衛糧數

明。日辨得例

迥殊。弓尺何得無異。當年按弓定糧。睢陽衛三項弓尺。每畝較民弓多地二分五釐。此從來定規也。今若比歸德衛弓尺。則每頃當減去九畝三分。另行起科。衛地糧已極重。何堪減畝。若依本衛弓尺。則各項之有餘不能補衛地之不足。夫地猶是昔日之地。昔何以照本衛弓尺而足額。今何以照本衛弓尺而不足。非歸併衛所之時。州縣之移送未明。卽丈量田地之日。繢外之遺漏尚多。版籍之定例未敢遽更。賦役之

徵輪理當慎重。若今日苟簡了局。後日之歸咎誰任。雖上臺之催提已久。而執事蒞任方新。合無申請寬限。設法查補。地在鄰封。則詢之舊衛旗丁。繢餘遺漏。則責之四隣舉首。務期地無欺隱。糧無重累。然後按繢定糧。勒石垂後。國課民生。咸有賴矣。至於目前急務。惟在後里。有衛蠹張化鵬所報之無地懸糧六十餘頃。國課則年年缺額。徵比則無地無人。里書之敲朴徒煩。官長之考成受累。似當速就各項逾額地內。仍照本衛弓尺撥補明白。目下無懸糧之累。後可徐

議總數之足額。此又今日最要之着。統候採擇焉。

為民請命之言。期于明晰而止。梅公

無一不可按籍而行。此之謂通世務以經術。

此處有若干行非常清晰的文字，但內容極其模糊，難以辨認。似乎是另一篇題詞或詩文的內容。

題一樂堂卷

余於丙午孟冬由夏峯過內黃時張起菴為令倡明
理學多士蒸蒸向化居然鄒魯之鄉也居二日郭子
非石自薄城來攜容城先生所題一樂堂卷見示蓋
非石尊人衛寰君年逾古稀起居康勝非石有子有
孫一堂四世萊舞蹁躑左右奉養真足樂也昔孟子
論三樂於父母俱存兄弟無故而即曰仰不愧俯不
作蓋父子兄弟之間必德行純備俯仰無慙而後其
樂始真然欲不愧不作亦不必他求也還當自父子

兄弟始。孔子曰：天地之性，人為貴。人之行，莫大於孝。又曰：孝弟之道，通於神明，光於四海，世固有勛業冠天壤，而門內多慙德者矣。雖名列竹帛，能俯仰不愧，作否乎？非石遊起菴之門，講習有素，事親事天，同為一理，其知之久矣。異日聲聞遐著，英俊景從，即以此堂為三樂堂亦可。

布帛菽粟之言，故無雕飾。梅公

得其樞於環中，故闢闔盡得如意。

題趙憲清卷

戊午，余寓京師，吾師孫徵君先生之子君僑，數相過。從間告余曰：先子之講學夏峯也，灤州憲清趙公，方官許昌，遣其子介茲，渡河從遊。先子與之語，輒能默識，不忘，其穎悟出人數等。及先子棄養，公移守磁，磁為南北孔道，使車絡繹不絕，羽書旁午，軍出關隴，荆湖者，往來殆無虛日。官斯地者，疲於供億，日昃不遑食，簿書期會之繁，不與焉。公乃單騎三百餘里，為先子任執紼之役。時會葬者近千人，咸嘖嘖嘆服其賢。

先子所著尚書近指公爲校正付梓先子手澤不至
泯沒者公之力也。幼弟不幸罹難。橐篋周旋。不憚煩
瑣。言未既。淚涔涔下。旣而曰。余兄弟感公厚誼。慮無
以報。爲製一卷。將求海內有文章行誼者。爲之題詠。
以表公德。且以見余兄弟之不敢忘也。請君一言弁
其首。其無辭。余從先生遊最久。先生著讀易大旨。精
義多前儒所未發。余曾請於先生。任劊劊之役。先生
以此書當終吾身。未敢遽問世也。及先生歿後。適值
軍興。追呼日迫。力不能獨任。欲求同志者共爲之。遲

迴未能就也。聞公之義。其能無媿乎。君僑又曰。公之
爲政。寬大精明。吏不能舞文。署中襍被蕭然。寒牕竹
几。篝燈課子弟。誦讀聲琅然。達戶外。與文士譚經講
藝。握手勸勉。尤加意犖獨。不以擊斷爲威。蓋古之循
吏。不過也。余謂當今世而知尊師重道。表章大儒遺
文。急友之難。其賢於人遠矣。則其爲循吏也。固宜。爰
次其語。書於簡首。

從君僑口中寫憲清又是一格

梅公

呼之其人。或出善形。有道氣象。不啻涪翁也。

潘耒先生遺稿卷之四
其精書法論首
文辭之雅其體外人致突限其益而更也固宜矣
更不強也余嘗謂今世而賦尊而重也夫章大論
八論然猶子弟論精然然然也水與文士聯聯
其類實大論即更不強也文辭中野然然然然
國不強也其間公之深其論然然然然又曰公之

徵君先生詩卷跋

庚申冬，蓮陸魏君訪余於京師邸舍，持一卷，則徵君
先生手書贈詩二章，蓋甲辰北上至容城時作也。先
生身任絕學，憂患之來，眾人震懼不遑者，獨能坦坦
如無事時。此足驗先生道力而蓮陸以門人周旋患
難，紫峯擬之蔡季通，冀元亨，良不誣也。先生以明末
寇變，內外臣工殉難者，指不勝屈，慮事久湮沒，著書
表章，此大義所關，何可磨滅。雖風波旋定，而先生猶
自悔艾，無幾微不平之氣，且以得歸子舍，展先墓為

幸而字法蒼秀堅老如歲寒松柏盤紆竹墨間真可寶也敬附數語而歸之

此跋真得宋人筆意

梅公

蒼勁中和氣盎然流出非有德之言不能形容至此○難言之隱在若斷若續處見之

省齋詞跋

省齋先生文章風雅為詞林領袖乘興遨遊湖山六橋煙樹雙峯白雲杖屨幾遍時同年不期而聚者六七人攜酒登高賦詩倡和甚相得也追憶昔時長安並轡忽忽三十年事少壯者今鬢髮種種矣酒酣為小詞數闋壯涼高逸與稼軒放翁馳騁上下濟武先生將南遊太末余以使事告竣亦且北歸嘆我輩相聚之難而後會之未可期也不能不撫卷流連云

亦有波致 梅公

淡而會之未可限也。不謂不勝於流雲云。
主事南嶽太末余以對事告歸衣且孔謁與亦置麻
小結難開其亦高致與麻神效命麻師士可徵矣
並書診以三十平事少其昔今是變麻蘇矣。斷。斷。蘇
入佛部登高煩荷麻味甚。麻。麻。心。血。漸。昔。神。身。安
麻。麻。雙。華。白。雲。外。麻。與。國。報。河。平。不。似。而。梁。竹。六
昔。微。於。小。文。章。風。麻。蘇。同。林。除。麻。樂。典。越。越。越。山。六
亦。復。同。別。

孫徵君先生像贊

當代儒者誰稱先覺。允惟哲人光輝孔倬。敦行孝弟
修明禮樂。由忠貫恕。既博歸約。日新又新。鳶魚飛躍。
默契先天。聲臭寂寞。蘊涵元氣。發越磅礴。譬彼星漢。
終古昭灼。易傳者像。難盡者學。仰止夏峯。泰山喬嶽。

贊揚極矣 梅公

難盡者學四字要領

教淑人，抉性命之秘，定理學之準，上自公卿大臣，以及儒生隱士，近自畿輔河洛，以及齊魯晉楚吳越之間，有志斯道者，無不負笈從遊，見其語默動靜，天理流行，發微闡奧，透人心髓，皆踴躍興起，知聖賢之可為，吾性之具足，其功真可遠紹濂洛，近比姚江，非同山林獨善，無關世道之士也。今國家崇儒興學，修明禮樂，廟堂之上，必當有易名從祀之舉，此非草野所敢擅議，獨是移家夏峯，近三十年，與偶爾遊處者不同，松楸在望，祠堂未建，後學無所瞻仰，實為闕

典，今同門公議卜地庀材，定期鳩工，但費用浩繁，非藉眾力，難成巨觀，用是遍啟群公，共襄盛事，指日楹桷森鮮，階序有嚴，與邵子洛陽朱子，武彛之祠並耀千古，於以報禮先儒，章示來學，所關匪細，肩任師傳，固當努力，此舉乃尊師之大端，凡在門墻，應有同心，敬裁小啟，佇立以俟。

詞以達意而止，啟中別調

梅公

敦樸無華，淵然味永。

四書淺說小引

四書爲聖賢傳心經世之典。備六經之旨。與自漢儒以來傳註純駁不一。至朱子註出。集羣儒之大成。國家遂用以取士。永樂間。奉勅纂輯大全。採收宏備。審擇未精。虛齋次崖諸先生繼之。而考亭之註益明。然爲書浩繁。初學未能得其要領。吾友成齋唐君憂之。手著一編。名曰訓兒淺說。言簡而意盡。文顯而旨深。篇章段落。聯貫如珠。童子可以成誦。卽宿學由博返約。亦有賴焉。其有功於學者大矣。成齋方病。目猶手

自繕寫其為功甚勤。恨余力薄不能付剞劂以廣其傳也。郎君穉年聰穎非常必能世其家學。謹書篇首以勉之。

意在引後學入門 梅公

稱美處簡而盡

華嶽祈雨文

惟神體函金德位列兌方功配兩儀澤潤萬類惟茲
關輔實處神宮牆之下雨暘寒燠咸賴神休乃自去
歲三冬無雪入春恒暘轉亢雲興斯颺塵霾晝曠麥
苗游稿百姓無所歸命夫休咎徵事祥異從人良由
斌等奉職無狀或政乖刑濫而獄有寃民或吏墨兵
驕而里盈怨氣或單丁獨戶窮苦重其租徭或鰥夫
孤兒死亡莫之振救以故感動天威召致災眚然神
目孔明官之不職宜明賜誅蘇奈何舍其有罪而殃

我群黎。今猷躬率寮屬。早夜步禱。數月於茲矣。呼神莫應。顛天則高。下民何知。遂妄疑神聽不聰。而欲求媚於淫昏之鬼。夫山魅澤怪。神之所宜屏斥。而淫昏之祀。明主之所宜禁也。若三日不雨。民奔走於淫昏之鬼。斌不能止也。倘氣極而通。偶與雨會。則民必歸靈於鬼魅。將淫祠日盛。左道日興。雖告以名山大川。澤被生民。其孰信之。惟神念官吏士民悔過之誠。敷奏上帝。屏風伯招雨師。雲奔電趨。貽我來牟。使農夫饁婦知嶽瀆明神果能闢闢陰陽。吐納風雨。將益堅

其畏信之心。而淫昏之鬼。自不能惑我民志。是神之眷祐斯民。不但錫以有年之慶。兼資以正德之福。仰戴神休。永永無既。

地步占得高從鱷魚文脫化出來 梅公

視民如傷中更寓崇正闢邪之教

嗚呼道之在天下也如元氣之在人身彌綸磅礴上
 蟠而下際者小不遺乎日用而大即麗乎彛倫斯誠
 須臾不可離矣而胡真見而體備者之難其人卓哉
 先生維德之純博極造約窮理識真以孝弟為盡性
 之基由忠恕為達化之門當蚤年辨志定交江村析
 義利於秋毫等富貴於浮雲固已抗志聖賢之途溯
 洄洙泗之津及璫燄肆虐禍逮清流不避虎憂力為
 營救雖運數難回而天地正氣有所樁柱而長存推

祭孫徵君先生文

嗚呼道之在天下也如元氣之在人身彌綸磅礴上
 蟠而下際者小不遺乎日用而大即麗乎彛倫斯誠
 須臾不可離矣而胡真見而體備者之難其人卓哉
 先生維德之純博極造約窮理識真以孝弟為盡性
 之基由忠恕為達化之門當蚤年辨志定交江村析
 義利於秋毫等富貴於浮雲固已抗志聖賢之途溯
 洄洙泗之津及璫燄肆虐禍逮清流不避虎憂力為
 營救雖運數難回而天地正氣有所樁柱而長存推

其本志固已視死生如旦暮而恬然無恙者以是知天之未喪夫斯文德盛道尊徵書歲頒衡門之間安車蒲輪而先生堅卧不起天下想望高風如泰山喬嶽之嶙峋才本王佐看先生獨深而不用學為帝師而無民天欲存斯人之命脉故畱碩果以至今晚年結廬百泉嘯臺行窩雲物一新兼山堂上彈琴鼓瑟曾無間乎晨昏四方學士負笈振衣公卿牧守擁篲乞言而先生悉開導啟誨之慇懃家庭肅雍孝慈睦婣薰蒸涵育而聞風興起者莫不油然而相親即頑梗之夫澆薄

之俗皆一變而敦厚醇龐又孰非先生之過化而存神道隆益謙業廣彌勤朝乾夕惕自強日新通達物我而不滯酬酢萬變而不紛融朱陸之同異與濂洛而為隣善於形容有道氣象顯無間體用渾淪想像其所至庶幾乎乾坤同其消息造化合其屈伸凍解冰釋而湛然不動者如天空月皎無纖微之埃塵此固與道為體矣何尋常功業文章之足云某從遊十載提撕惟懃日出而譚至於夜分青燈白雪誨言諄諄方恃為斗杓之可依豈期天不憖遺而兩楹之兆遽聞嗚呼年屆期

願名垂後禩，生順歿寧，亦可無憾於蒼旻矣。而獨是微言既絕，聖道荆榛，異端日起，維學紛紜，功利詞章之說惑於前，而虛無寂滅之教誘於後，更誰為挽世風於既靡，疏長河於將堙。今者窳窳在卽，雞酒式陳，音容依依而如在，旨緒茫茫而莫尋，傷儀型之永隔，悲卒業之無因，尚冀先生翼我冥冥之中，俾勿墮迷途，勉策駑駘之力而上臻。

宋道學一流尊其師者必推而極之于無可加此其遺意乎 梅公

文有開闔風雲混闢造化氣象

文正開闢風雲詭淵豈介泉泉

祭同年施愚山文
嗚呼當世之有先生也吾道之標準也而今竟溘然

長逝耶哲人云亾後學其何宗乎先生之鄉爲甬江
敷教之地而大父中明公倡教東南與漪園南臯爲
師友先生賦資中正漸濡庭訓孝友純懿仁慈篤摯
見利斯避慕義若競常以博愛弘濟爲心會友輔仁
爲樂閭閻謬謬不亢不隨推挽名流吹噓後進是皆
出自真誠非由矯僞至於恤困苦如拯溺救焚夙夜
遑遑猶恐不及世之學者高譚性命樹立壇坫求其

惻怛爲懷。渾忘物我。如先生者。幾人乎。又宣城文章風雅。代有傳人。梅都官尤兩宋詞人之冠。先生爲文。不尚鉛華。醇深瀟灑。而精力所注。於詩尤深。都官詩歌。見稱廬陵。以今準昔。不啻過之。世之文人。學無原本。妃青儷白。補綴爲工。遂足取譽一時。自矜博雅。求其典型不墜。追配前哲。如先生者。幾人乎。晚歲出入承明。秉筆史局。老成宿素。典故熟聞。考据精詳。褒彈不苟。倘藉以告成。卽不敢遽言班馬。亦庶幾希蹤歐。宋而汗青無期。哲人凋謝。此又不能不爲之惜痛也。

某與先生定交三十餘年。良友砥礪之情。知己存亡之感。言之不能盡。而獨舉其大者。以見先生所關於世。非偶然也。嗚呼。先生其以予言爲然乎。否耶。

宛然面語 梅公

許予不妄。方是知己之言。

遵

旨進所著詩文記事

康熙二十二年三月三十日

上御乾清門斌侍直部院諸臣奏事畢

上命斌錄平日詩文進覽斌奏近因纂修

兩朝聖訓及明史一切詩文所作甚少

上曰即舊作亦可至四月初九日斌遵

旨進所著文十篇詩十首候於乾清門

上命內侍召學士牛鈕同斌趨至乾清宮內

上取所進詩文展閱首篇

世祖章皇帝親耕藉田頌

上肅然改容曰此

世祖章皇帝時事是汝為庶吉士所作乎斌對曰是次

閱十三經註疏論二十一史論至春王正月辨

上命敷陳大意斌對曰春王正月四字在春秋本自

明顯後儒議論不一有言周改月兼改時者有言改

月不改時者有言時月俱不改者臣以春秋本文斷

之以為時月俱改之說為是如冬十月雨雪二月無

冰在夏時原不為異又僖公五年左傳春王正月辛

亥朔日南至日南至者子月也此改月改時之證也

胡安國言夏時冠周月臣以為不然行夏之時聖人

平日論道之言春秋者聖人尊王之書以夏時冠周

月非為下不倍之義

上領之又擬漢以禁園假貧民舉直言極諫之士詔

上問此詔為何而作斌對曰此漢元帝時事臣散館

時

世祖章皇帝御試以此命題臣蒙 恩授檢討之職又

命述學言篇大意。斌對曰：自周子至朱子，其學最為純正精微，為儒者標準。後學沉溺訓詁，殊失程朱精意。王守仁致良知之學，正以救末學之流弊，但語多失中。門人又以虛見失其宗旨，致滋後人之議。臣竊謂先儒補偏救弊，各有深心。願學者識聖人之真身，體力行久之當有自得，徒競口語無益也。

上復領之。潼關城樓刻詩記。贛州府誌序。睢州儒學記。嵩陽書院記。

上一覽訖詩十首。逐字看過。至末首有年老才將

盡憂多道轉親二句

上佇思久之曰：何謂憂多道轉親？斌對曰：臣幼遭亂離，半生在憂患中，嘗隨事體認於道理，轉覺親切。詩辭朴拙，不勝惶恐。是日

天顏和霽，從容顧問，晷刻頻移。

聖主優禮儒臣，為國家盛事。微臣才力短淺，無由報稱，愧且懼焉。

都俞氣象宛在堂簾 梅公

此篇當於氣象上識 主臣一德之美

體格類宋潛溪而溫粹過之

語錄

人皆可以為堯舜。要體察我之可為堯舜者何在。識得工夫自不容已。

問喜怒哀樂未發。曰當於人欲淨盡時驗之。既而曰

先儒教人看未發前氣象。正是教人下手做工夫。最

親切處。

問岳生。鳶飛魚躍如何。是子思子喫緊為人處。答曰

鳶魚上下皆道之機也。吾人體道不可須臾離。亦是

如此。曰然。滿前洋溢。俱是發育峻極。何處得個空閒

容吾疎放耶。然却隨處自有個恰好的道理。一切將迎期必總用不着。所以工夫正在勿忘勿助之間。學者讀書不務身體力行。專為先儒辨同異。亦是玩物喪志。先儒之言都是自己用工夫。體認過來無一句不是實話。總之源頭澄澈。隨時立教。不妨互異。正當反求之身識。其所以同者。勿向話頭討分曉。始得問仁之體。可以一言盡否。曰仁體極難形似。如何一言可盡仁者。得天地生物之心。此言最宜體會。近代學者皆以近溪為禪。近溪蚤歲於釋典丹經無不探

討。晚年語錄一本。諸大學孝弟慈之旨。絕口不及。二氏其孫伯愚嘗私閱中峯廣錄。近溪一見。輒持去。曰汝曾慎勿觀此。禪宗之說最令人躲閃。一入其中。如落陷穽。更能轉出頭來。復歸聖學者。百無一二。惟究心大學孝弟慈之旨足矣。近溪世所號為近禪者。其言如此。則沉溺詖淫者。可不知所戒哉。夜坐岳生問曰。先儒有因人泛問。輒曰汝輩是揀心中疑的問。是揀難的問。蓋非誠心切問。先儒常不輕答。

一日舉必有事焉勿忘勿助長以告曰助長非必着力緊促只容些精切小私意便是

先儒嘗有言頓悟之非不知悟未有不頓者但必學問真積力久方有一旦豁然大悟處是頓因於漸也

古人由悟而悔由悔而悟真實用功一日憬然醒悟妙意可思渾身汗下透出本來面目從前誤亦有益若不痛不

癢剽竊聖賢言語糟粕縱步趨無失究竟成一鄉原到對天質人處心中多少愧怍

時有以助長為患者曰心體原是天機動靜內外無

不周流但時時體認天理不令昏散亦不可躁迫須

知必有事焉工夫原極精密勿助長非鬆放之謂也稍鬆放便忘非必有事矣總之一涉有意便是私心

人不患思慮不寧只患心體未透如。此。方。是。真。實。無。自。欺。學者最怕是以實未了然之心含糊歸依以實未湊

泊之身將就冒認小人只是不認得獨字

問事親從兄有許多儀節亦不可不知曰如何可不知但所謂儀節如問安視膳昏定晨省此念從何而

起侍父母而問安視膳昏定晨省。有時離父母則儀節於何處行。須要透得孝弟根源。則克之足以保四海矣。

問何思何慮。曰何思何慮。非全無思慮也。觀同歸殊途。一致百慮。可見非無思慮。惟得其所謂一致者。雖千變萬化而寂然者自在也。

心中有趣纔得樂。此趣從不愧不作而生。不愧不作。從戒慎恐懼而出。學者先有_{示人親切}用力處。後有得力處。實敏修為。泌陽論請問曰。官無論尊卑。各有當盡之

職。為一官。即盡一職。便是天地位。萬物育。氣象至於教之一事。培養人材。潛移世運。關係特重。

凡人為一善事。則心安而體舒。為一不善事。則心不安而色媿。可見人一身內。渾是天理。於此便是人性。

皆善人。能隨事體察。勿虧此心本體。無為其所不為。無欲其所不欲。這便是盡心復性的真實工夫。故格物是要緊事。

事不論大小。只論是非。學者須令事事合理。一事不可忽畧。故曰浩然之氣。是集義所生者。

理流行於天地間。不有此身。虛而無着。此身關係最重。不可不敬其身。

道在日用。任人一步一趨。無往不有天理流行之妙。若舍却子臣弟友。更有何道。故曰中庸不可能也。曰惟中庸故難能。惟難能故入其中。愈尋味愈樂。

為學工夫。只在當下做。如今日做宰相。便有宰相當位之學。下該做底。推之他事皆然。

或問孟子言性善。陽明言無善無惡心之體。何也。曰此是對有善有惡意之動而言。心之體不但惡非所

有。即善亦不得而名也。善亦不得而名。乃為至善。孟子

子言性善。究竟發。陽明所。本。發。是於情上看出。性之善如何可說。下

言知善知惡。是良知。這良知便是善。致良知便是擴

克。惻隱羞惡辭讓是非。俱該在內。故說智也。該四端

宋儒言主敬。陽明恐學者過於執着。呆守一敬字。反

是不敬。故教人只提醒良知。便是其言無善無惡。只

是教人涵養。未發勿過執着而已。

凡事功不從心性上發出。於自己毫無干涉。若於心

性上毫無虧欠。顏子之疏水簞瓢。便是禹稷事業。

聖賢學問。只在心性上用功。譬如種樹。日於根本上。培養灌溉。久之自然暢茂條達。縱未暢茂。條達根本。自在。今人只於枝葉上用功。外面縱極好看。究之全非已有。

今人為學。須持心堅牢。如鐵壁銅墻。一切毀譽。是非。畧不為其所動。乃可漸入。若有一毫為人的意思。未

有不入於流俗者。

嗚呼。此先大夫之所嘗語也。先大夫與臣言歸於忠。與子言歸於孝。平居講習。討論以日。求所未至。有來問者。未嘗不竭誠而發其覆也。蓋言之可傳者。百此矣。惜無誌之者。皆莫有存焉。溥

嘗有所誌矣。先大夫見輒削去。曰：此未必是。吾他年稍自信。當筆以付汝。其後領史事。任講筵。出撫江南。入為東宮講官。日無暇晷。迄不能有所論著也。溥痛先大夫心。得不傳於後。將追述緒論。以行於世。自居喪以來。昏昏然如憶夢中。將成而復悔。曰：心之精微。口不能言。今以無知小子。追思其疑似彷彿。毫釐千里。為罪滋大。此編鞏縣姚岳生記者。十之五。柘城竇敏修記者。十之二。錢塘沈昭嗣記者。十之三。各因所聞。偶焉爾然。皆記於當時。失焉者猶寡。因稍加訂正。質質山先生而梓之。嗚呼。非知之艱。行之惟艱。先大夫存語。雖少。皆躬行心得之餘也。苟於此躬行而心得之矣。則亦可以無憾於其少也。戊辰三月十八日。男溥敬識。

此等當逐條細思之。皆有得益處。梅公

此頁為書中正文，因字跡極其模糊，內容難以辨識。可見其為一頁完整的詩文或記敘。

潛菴先生遺稿卷之五

睢州湯斌潛菴著

宣鎮閻梅公甫評定

同里田蘭芳簞山較

詠史

崑崙有瑤樹。丹鳳翔其杪。朝餐縣圃露。暮宿星辰表。
皓月滿晴空。羽翮何縹緲。我愛徐孺子。清修自皎皎。
韜精在南郡。高臥白雲曉。羣賢方碌碌。誰能測渺杳。
郭泰獎人倫。申屠耽林沼。浩然凌雲姿。豈復虞繒嫵。



詠古有卓識梅公
溫穆無矜矯態

夏日詠懷

初夏朝氣清，綠陰映竹閣。好鳥時來集，微風散林薄。
養病豐暇日，坐臥對雲壑。圖書紛几席，茗椀常間錯。
偶爾屬篇章，怡情忘簡畧。採藥支短筇，尋泉踏芒屨。
豈曰謝浮榮，明志貴澹泊。世人逐妄跡，真源誰啟鑰。
柱史崇虛無，金仙戒執着。大道本淵微，會心在寂寞。
矜智適成愚，要窅何由度。鬱鬱南澗松，百丈巖如削。

遙望浮雲中，縹緲飛白鶴。於斯悟至理，俯仰增遼廓。

澹遠中寓至理梅公

金陵別姜西溟

憶昨桂發時，遇子梁谿上。攜手遊名園，登高共眺賞。
我行到白門，夜月苦懷想。落葉禪房寂，忽聞扣門響。
相見各歡然，秉燭對書幌。高樓恣嘯詠，古道互推獎。
鐘阜鬱嵯峨，秦淮平如掌。信美非吾鄉，茲晨理歸槳。
送我大江濱，悲歌何慨慷。世事本浮雲，素心貴不爽。
願言各努力，庶足慰吾黨。

直舒胸臆具

見交情梅公
一氣渾注令人
見西京風度

贈李映碧先生 三首

蚤年登朝著。端笏拜彤闈。抗疏表孤忠。旭日麗黃扉。
維時甘陵部。南北勢相違。正色兩不阿。嶽嶽世所希。
元祐盛名賢。黨論多是非。玄黃未息戰。國是將安歸。
惟有哲人在。秉道還識幾。石室留諫草。夢回尚依稀。
魯國遺經火。口傳賴伏生。九十秦博士。典謨亦已明。
文獻歸靈光。斗杓示景行。著述藏名嶽。大義何呼嚶。

虎觀待鴻儒。丹詔下江城。老夫難趨走。豈敢抗弓旌。
抽書授使者。卷軸滿巨籬。白雲封巖谷。時聞鸞鳳聲。

寫發嶽峙淵淳之

繫筆有化工梅公

前首形其剛直如壁立萬仞

此首肖其婉微如雲吐千巖

向歆嗣經學。彪固續漢史。世業重蘭臺。千秋誰繼美。
先生令子賢。載筆石渠裏。文藻曜朝華。持論平如水。
眾人驚未聞。庭訓實爾爾。余也衰朽姿。追隨愧迂鄙。
南望東海濱。丹霞明若綺。願言從執鞭。願身堂廡底。
恨無鴻鵠翼。翻飛平原里。

一往情
深梅公

題張鞠存見示鄉賢合祀傳

昔明神廟時。海內正清宴。學術半瞿曇。文章競藻綯。
 淮上有張公。峩峩邦之彥。蚤年登朝著。含香侍紫殿。
 典禮佐秩宗。矯矯人爭羨。抗疏定皇儲。慷慨淚如霰。
 藩封宗泝清。文體為一變。權貴咸側目。拂袖歸鄉縣。
 臥看東山雲。丹鉛手不倦。再世得農部。家學源流行。
 經術接曲江。五車皆貫穿。姓字重賢書。才華一時擅。
 對策繼董賈。當宁數稱善。正值國步艱。中原日飛箭。

誰為籌軍需。飽騰資酣戰。辛苦期報國。家憂謝弔唁。
 墨線更登俾。江淮明組練。至今鄉閭間。童髦頌德徧。
 俎豆並黌宮。春秋報祀延。令子當朝傑。偕余南宮薦。
 聯轡趨金闕。情懷自繾綣。相別二十年。尺素無由轉。
 奉詔徵文學。公名如雷電。更有嗣君賢。綵筆益慈
 藹。聯篇復累軸。字字重黃絹。父子登蒲輪。史冊亦罕
 見。余也樗散姿。甘老農圃賤。濫竽何慙惶。待放歸耕
 便。相見叙濶踪。示我鄉賢傳。再拜仰遺徽。偉績何能
 撰。他年過淮上。芳樽或可奠。

一氣卷舒自
然入古梅公

送黃俞邵聞訃南歸

揮淚向河梁。燕山暮凝雪。握手送君歸。欲語聲嗚咽。
定交十載餘。千里音書濶。今夏再相遇。一見驚華髮。
君家書盈屋。石倉未足埒。縹緲克畫棟。一一為我揭。
編目近七萬。真贗俱能別。太母年最高。賢明女中傑。
喜君有良朋。美酒為我設。時余憇僧廬。往來無間缺。
攜書上小舟。高吟青谿月。樓頭相顧笑。笙簫為暫歇。
是時有明詔。徵聘到巖穴。使者頻至門。敦趨日彌

切。同人相勸駕。君懷獨惓惓。向予垂涕言。老母年將
耄。捧檄雖有心中情。難委決。惟母察其情。治裝勿使
輟。讀書逢

聖主致身貴。蚤達何况旁。求殷乃自甘。汨沒我方尚。
未衰猶可自存活。君聞母訓言。躊躇未忍發。遲迴復
浹旬。母意終難越。予久臥烟蘿。才力最薄劣。盛朝
廣搜羅。亦預徵書末。先後至京師。相期砥素節。君文
高揚馬。聲名動朝列。上卿求識面。招邀多賢哲。一日
過余邸。顏色暗如鐵。云具陳情章。未得達。天闕出

稿以相示一字一泣血三日不相見麻衣腰垂經乃是凶問來長號肝腸裂信賻自元宰走弔冠裳白余感賢母德淚下不能竭憶昔十年時君表我母烈大筆真如椽幽冥亦感徹我抱終天恨較君更慘絕今日送君歸嚴飈正凜冽瘦影何蕭條黯淡桑乾陌努力慎自愛宗祊一身子母志終當酬毋使性空滅遙望石城雲愁暗為君結

神似少陵梅公

賦得黃花晚節香

秋氣凜凜露為霜獨見孤英帶晚涼絳葉飄零依碧澗參差鴻雁滿寒塘碧澗寒塘憶昔日芳枝葳蕤金莖密雲錦高張霞霧舉遊絲搖曳花欲語過眼繁華曾幾時百卉具腓今何許寒圃蕭條秋風淒玉蕊繁香疎逕齊自有高松同晚歲還須竹影傍清畦獨立秋光甘自媚安能鬪彩桃李蹊况得長近幽人屋霜根冷枝結幽獨君不見梧桐百丈宿鸞鳳金井葉飄空碌碌

寄託遙深梅公

秋風辭有其婉轉無其貞挺可作先生小贊

送陳別駕

自余結茆東礪側。往來車蓋不相識。使君下馬入深林。高譚蘿薜為生色。大幅長篇掛素壁。隣翁相見各自失。平生性僻耽丘壑。十年未履郡齋闕。知君為政最風流。雪苑桑麻清露濕。忽傳使君聞雙訃。遠近父老淚沾臆。云昔扳輿迎養時。萊衣進酒樂何極。高堂忽動粉榆念。萬里舟車隨不得。馬嘶嶺上白雲曉。帆落江邊村樹黑。此時海內尚昇平。遊子南望情嗷嗷。

一旦烽火照三山。關河咫尺分南北。梁園閩海春復秋。夢想何由生羽翼。今年銀漢洗甲兵。家書纔到顏如墨。淚灑庭梧枝盡枯。童叟赴唁路途塞。更聞羣鳥百千翎。繞署哀鳴聲不息。古來至孝格天人。冬笋江魚紀史筆。眼見此事最分明。一時賦詠傾鄉國。我聞此言嘆且泣。送君南陌百端集。吳江水碧越山青。一路望君情惻惻。

長安春日行

錦繡山河千里壯。龍文氣結九重開。流雲遲日春光

煖御柳搖颺。傍露臺。京都自昔稱佳麗。城中半是王侯第。峻閣重樓夾道懸。雲房霧宇相虧蔽。上林更接西山色。峯疊翠黛煙凝濕。朝霞片片蕩燕關。照耀金莖淑氣入。九陌三條香塵起。萬戶千門春色裏。雕楹銀榜映花紅。光射御溝爛若綺。是時

至尊坐玉清。柏梁賦罷奏咸諷。爐煙縹緲鸞旂動。晨旭黃扉瑞靄平。詞臣侍從承清宴。珥筆數上南薰殿。下直從容歸鳳池。傳呼應制文章善。只今海內正銷兵。滇池劍閣掃欃槍。壯士不賦從軍樂。野老惟聞

穀聲

聖人制作追謨誥。一朝寮友似嚶鳴。微臣竊幸逢景運。願作衢謠隨玉笙。

較盧照隣長安篇
流利過之梅公

一祛帝京浮艷而
正大中自具典麗

祝總憲魏老先生壽

五嶽峻嶒鎮中域。恒山獨峙天北極。嵯峨萬仞倚寒空。鴻濛鬱積青蒼色。真氣磅礴偉人生。丰標直與嶽崢嶸。弱冠鳳池勵素節。冰壺皎潔月輪清。梧垣夜半

草封事。青蒲對仗百寮驚。深慮危言關大計。折檻批
鱗非近名。上書辭闕奉母還。蹣跚綵衣書堂前。子孫
羅列誦書史。青筍白魚入饌鮮。紫荆關外雲如屯。中
有紫氣映朝暉。海內蒼生望霖雨。謝公東山道愈尊。
元老推轂來帝里。詔下

九重禮遇敦。豸冠峩峩柏臺上。感時補牘丹心存。
至尊含笑納忠諫。主聖臣直古罕見。致身八座位
孤卿。班行藉藉人爭羨。一朝邊徼忽傳烽。軍儲轉運
仰司農。羽檄紛紛遣調繁。白髮深坐見愁容。國計民

情難兩便。盈庭聚議誰稱善。精誠寤寐與天通。汲黯
在朝勝百戰。祇今秉憲肅百寮。呵藤倚戶影蕭蕭。五
緯芒寒欽正色。四時節序依斗杓。好士拳拳若饑渴。
夾袋懷中字不沒。汝南月旦品題新。折節訪尋及短
褐。狄相薦賢總為國。歐公弘獎老未歇。由來至性兼
虛衷。門館寂寂絕干謁。學問原期體用全。秉道絕欺
重昔賢。退食鮭菜無兼味。幽獨盟心手一編。子臣弟
友期無媿。直從庸德識先天。先生嘗述西河教。篤信
謹守是真傳。生平學力從此入。月落光明照萬川。余

違講堂二十載。關山迢遞想丰采。今歲應詔舉賢良。燕臺市駿及郭隗。藤帽棕鞋舊業荒。牧豕寧堪拜廟廊。竊祿先朝無寸補。敢貪耕鑿臥滄浪。小臣有母年七十。獲終菽水。

主恩長。重得摳衣聆要旨。此行不至空俵。俵高秋正值懸弧辰。旅次何能獻野芹。願體大易天行健。斯道斯民在一身。北嶽石樓瑤草秀。薄言採之祝千春。

揮筆直書脫盡壽詩習氣梅公

詩如華岱峻嶒時有飛湫靈籟岫雲巖松點綴幽秀

送富雲麓請假歸閩

我昔退耕在南畝。先生聞望齊北斗。千里贈言古道存。朝夕奉持如瓊玖。重到承明又幾年。追隨劍珮良非偶。朝罷同看太液雲。五更聽漏闕門久。容臺政簡晝多閒。一卷青編常在手。探道欲過羲皇前。論詩不作風雅後。聖朝禮樂繼唐虞。夙夜寅清功不朽。月明紫帽動歸心。忍上離亭為折柳。閩海迢迢萬里餘。勸公更進燕山酒。至尊稽古資元臣。肯使山中遺壽耆。願公且莫戀雲

松經綸黃閣誰當右。倘過清溪遇李膺。謂厚菴先生為問可御蒲輪否。

神采橫流梅公

平平說去情隨筆溢

汪鈍翁六十初度

字穎

先生家隣具區澤。萬頃琉璃界天白。異書捫腹五千卷。海內共推文章伯。六經同異識旨歸。妙義微言恣探索。往余臥病睢陽城。南望茂苑風生腋。同時應召到京華。旅舍蕭條數晨夕。史局編摩一載餘。按膝

談讌曾莫逆。共抽金匱論興衰。獨秉霜毫判心迹。扶風筆削詎專長。龍門述作無殊格。先生體貌清且癯。雙瞳剪水神奕奕。閉戶文成三百篇。一朝紙貴長安陌。塵埃難嬰曠士懷。片帆歸向五湖宅。幾回延佇想瑤華。路遠何由生羽翮。去年奉使過浙西。廻艫暫作姑蘇客。先生高臥聞我來。披衣攜手話疇昔。月出三更虎阜曉。睥睨千秋興莫釋。扁舟送我上河梁。風苦霜清嘆睽隔。雲山有約計難成。惆悵高天空躡躑。頭白汗青杳無期。浮生浪度竟何益。聞君甲子正初周。

山中樂事良不易。雨後寒烟拂釣竿。花時芳草履遊。屐河豚欲上。鯊魚肥子弟。門生環講席。我欲從之路。阻修側身一望吳江碧。

清新俊逸足兼參
軍開府之長梅公
如芙蓉出水天然無
飾而警琢隨筆自具

祝王農山暨姚夫人雙壽

燕山柳葉秋光曉。凝望吳淞風日好。舉觴再拜祝遐齡。月下雙鸞應難老。憶昔射策黃金殿。同年盡是文章彦。解褐手摩石鼓篇。聯轡齊赴櫻桃宴。凌雲聲價

重明光。一代才名惟君拍。五更入朝霜滿裘。明星高

話玉河秋。余時好為天官家言先生當時意氣偏豪

甚。睥睨古今誰與儔。君乘軒。軒漢陰。還我亦攜琴看

華山。潦倒蚤著歸田賦。正直真宜獬豸冠。上書動關

天下計。鳴驄遙識萬人看。功高度支令聞播。峻階行

當陟八座。臣心如水

聖明知一朝清節誰能過。拜表出都供帳榮。漢庭不

數二疏行。木落波寒鱸魚膾。尊羹會動去官情。况是

高堂正健飯。繡衣舞罷獻瑤觥。又聞清閨做戒勤。昧

且雞鳴有少君。紫霞疊錫天邊誥。祁祁象服香氣氤。
過庭更覩河東鳳。海上三山光氣分。荏苒風塵二十
年。我甘臥病梁園田。那知衰白荆榛裏。隨風吹到玉
堂前。汗簡編摩老眼花。兩郎才調重金華。追隨敢自
嘆迂狂。羨爾青箱本世家。鳴珮朝朝太液東。供奉日
聞長樂鐘。

至尊尋名思舊德。三泖應見五雲紅。瑯琊賜第錦屏
開。八珍還分御饌來。方朔麻姑齊進酒。蟠桃花比海
桑久。

轉折頓挫絕
似初唐梅公

敘述處法方筆圓不
似尋常頌禱之詞

順治九年七月二十日

上駕親出郊外論遣定遠大將軍敬謹親王及諸將

南征應制 壬辰七月
御試

聖主崇文德。宗臣事遠征。偃戈誠

廟筭。勤武豈

皇情。為廣薰風化。仍期瀚海平。曉雲隨鳳輦。秋月
近龍旌。湛露分丹禁。彤弓錫漢京。投醪御酒徹。

緝。袞。軍。容。清。湘。野。懷。征。旆。滄。波。待。洗。兵。應。聞。旄。羽。至。
率。舞。拜。干。城。

春容大雅頌
頌燕許梅公

整暇者部伍流逸者
坐作適與王師相配

中秋蘿翁齋中讌集

僻巷逢迎少。惟君得數過。爽秋今正半。高友意如何。
卜宅門相望。論文興不磨。開樽臨紫桂。解帶掛青蘿。
洗硯索新賦。分題和舊歌。隔籬見怪石。轉徑踏深莎。
樹杪宿鴉動。燈前墜葉多。舉頭看素魄。回盼失銀河。

銅漏還傳箭。金烏漸耀波。百年日日醉。莫自歎蹉跎。

曉露晨流新桐初
引可以移贈梅公

卽事語亦能幽麗所謂太
白夢中不作寒乞聲果然

省耕

夏。甸。傳。遊。豫。虞。庭。重。省。方。恤。農。煩。儆。戒。任。土。定。輸。將。
往。牒。休。堪。著。興。時。道。自。長。親。推。迴。黛。耜。祈。穀。卜。年。
芳。鸞。輅。乘。春。發。鳳。旂。拂。曙。張。屬。車。連。迥。陌。羽。葆。度。橫。
塘。郡。吏。迎。仙。仗。遂。師。覲。
袞。裳。風。吹。桃。葉。嫩。雲。罩。麥。畦。涼。曲。水。滌。軒。蓋。晴。林。駐。

鷓鴣咨詢保介切申勸耕耘忙

聖澤霑原隰麗眉樂帝鄉寶岐含雨翠高穗映霞

黃帳殿看馴雉平田認遠楊實函欣亞旅蔀屋富倉

箱無逸成

天德思艱邁古皇寬裕恩屢紀賜復史難詳國步

登淳古民生躋壽昌舜絃聞愠解堯酒醉衢康共識

氤氳氣永覘歲德祥幽風今繼響奕葉頌無疆

和平莊雅在唐人應制之上梅公

如問思文良相之音

應召

御試恭紀四十韻

虞帝闢門日鎬京訪洛年夔龍賡喜起畢散接班聯

號令多師古聲華重集賢縹緗克玉几冠珮秩

經筵天錫圖書秘春呈雲漢鮮體仁功自懋建極道

無前制作開三統清寧撫五絃詩歌諧雅頌翰藻麗

山川游衍懷明日絲綸動象躔鴻儒聚白虎侍史撤

金蓮棧樸功施久鈞陶禮樂全旁招窮海澁顧俊及

林泉薦引寧論地吹噓不計員公孤方拜讓臺諫復

晉菴先生遺高詩

左

駢肩岳牧。搜揚切宰。衡啟事連雲。巖鶴詔促谷口蒲。
輪遄緯度。占文曜風雷。起蟄淵渥。注空駿馬湘。止絕。
蘅荃盛舉。超曩代曠。逢豈偶緣。自當謹舞蹈。何敢尚。
迤邐者。碩推轅固。妙齡儷仲宣。朔南咸至止。仕隱各。
無偏爭著。京都賦競裁。羽獵篇月分。漕輓米日費。水。
衡錢魚媿馮。諼食金羞郭。隗先霽陽當。禁苑芳樹映。
華旃典禮。臨軒重工寮。將事虔瓊階。聞曉奏綵仗。
繞爐烟。五字英才著。一經舊學傳。文成獻。黼幄賦。
就立花磚。東壁霞光燦。少微淑氣纏。

龍顏常自喜。鳳扇欲徐還。不夢瀛洲宴。儼如紫禁旋。
同聲稱飲濯。野老羨登仙。才豈馬卿亞。虛承孝武憐。
兩朝感際遇。一志矢貞堅。謳咏休明瑞。祈瞻曆數延。
得賢摘漢頌。大寶續唐編。遜志期宗傳。健行望體乾。
昭回垂萬禩。奕葉奉堯天。

莊重典麗盛
世之音梅公
雄文麗藻初
唐規模如是

院中宿直八韻

清切推丹地。瞻依近紫宸。龍池鐘漏晚。鳳沼月華新。

古木流霜影。宮雲澹玉津。

聖皇開治象。元化正含淳。幸備班行後。叨承異數頻。

端貞期拜獻。樛散愧冠紳。年老才將盡。憂多道轉親。

夜深星斗濶。始悟與天隣。

妙語俱出

性情梅公

氣象高濶。結語感恩。思報之意在於言外。

送林玉巖奉使琉球十二韻

水國藩封遠。儒臣星使遙。鸞章頒絳闕。麟繡下青霄。嶺路秋花麗。閩山宿霧消。前驅陳玉節。負弩簇金鑣。

到海風常正。開帆浪不驕。扶桑看湧日。蜃市障迴潮。

島嶼疑神岳。京華認斗杓。鮫人迎上客。卉服護仙橈。

博望通殊域。陸生重漢朝。文章堪喻蜀。干羽足征苗。

不數樓船績。寧煩銅柱標。歸來王會日。拜手聽蕭韶。

高文典冊足

壯行旌梅公

體莊骨堅不

徒葩艷為雄

中秋陸處實同年畱飲齋中和吳見末韻

相對話生平。開樽聽雨聲。客中逢令節。林下見交情。白社風原古。柴桑世不爭。從來樂志者。非是愛逃名。

澹遠之致方
駕錢劉梅公
有逃名之心
則志荒矣

別墅仍畱憇。竹林笑語聲。兒童知客意。鷗鷺識秋情。
天肯容吾懶。拙能免世爭。他年重過訪。不必更通名。

鷗鷺識秋情動
人深悟梅公

寄示兒溥

浪跡真無計。門庭汝暫持。雨多憐稼悞。地下慮墻危。
官稅完應早。鄉租催漫遲。近聞文體變。前輩法須知。

足見先生
家教梅公

汾疇墳前樹。今年看幾回。叔賢書共讀。弟幼酒同杯。
藥裹宜常晒。柴扉莫浪開。初冬當返棹。候我竹林隈。

孝友至情溢
於楮墨梅公
朴誠溢於行間乃真
風雅不必以工拙論

西湖聽莊蝶菴彈琴

繫纜孤山下。石床理素琴。嵐光千嶂滿。松影六橋深。
古調傳天籟。清絃寄道心。曲終人俱靜。明月照幽襟。

送陳別駕之南陽

送客宛中去。行吟驛路紆。浮雲高密宅。古木武侯廬。

險隘商顏近。土風京洛如此鄉。兵火後邑井半丘墟。

更不用勉語
法近三百

家居感懷

濫綴

先朝供奉班。平明珥筆侍。龍顏辟雍進。講華旃細。

藉畝親推黛。耜還南國遠。通瓊海貢西羌不閉玉門。

關滄江白髮。君門遠悵望高天未可攀。

巖關鎖鑰設咸東。指顧河山百二雄。華嶽陵嶒高漢

苑渭川波浪注秦宮。旌旗閃口獵貅靜冠蓋連雲隴

蜀通自是太平多暇日。書生何以答皇功。

蕭條僕馬南安署。日倚江樓眺碧岑。瘴嶺朝昏雲似

墨。蠻村草木桂成林。歸鄉幸慰趨庭志。臥病終違報

主心。一葉扁舟還載石。片帆風正自長吟。

城隅小築避風塵。三逕茅齋可寄身。藥餌關心朋舊

少。青編滿架校讐新。傍松疊石平如案。裊露看花折

贈隣。崖岸年來消滅盡。莊生齊物不須陳。

滇南交北盡王封。誰道今為塞上烽。壯士搥牛何意

氣。將軍緩帶自從容。輓輸困苦追呼急。露布頻繁恩

數重獨喜臨邊老相國。招降十萬事春農。

五詩神乎
工部梅公

聲華
高朗

立春

皆是唐初風格

冬晴正覺日霜靜。風轉俄驚節序新。倚檻臘梅香欲盡。隔溪官柳翠先勻。時艱可信滄洲穩。老去方知古道真。擬待東林鶯語細。莫辭華髮醉芳春。

春霽友人以詩相投書此謝之

三四參

春霽園林暖尚遙。石欄殘雪未全消。同人詞賦相投

差特
贈把卷吟哦慰寂寥。箕斗浮名終是幻。巢由高枕不

須招。眼看藥笋沿溪綠。岸幘披襟酒一瓢。

古調深
情梅公

以拙存古所謂
希聲非啞調也

春日即事 次信菴韻

杜門久矣謝繁華。不道春光取次奢。柳市煙籠含宿雨。桃村日照散明霞。舊藏襖帖時開翫。新註茶經可共誇。迸笋當階礙杖屨。茅軒小逕不妨斜。

春日感懷兼呈仲方

漫說登臨春事饒。衡門兩版閉清宵。頻聞白帝烽烟暗。苦憶朱方鼓角搖。憂世何妨同濁醉。畏人真欲混漁樵。袁安小閣相隣近。箬笠行還莫待招。

崇禎壬午闖寇破寧陵。文學翟先生仗節死之。今督學使採輿論祀之。鄉賢余感其事。聊述

短章紀之

成仁本屬中庸事。落落乾坤有幾人。天以三綱作砥柱。士將一死答君親。理無兩路須求是。節到當頭要認真。我至沙隨弔往烈。頻宮俎豆肅冠紳。

新秋雨後抑莊西齋讌集

雨歇林溪烟未收。憑欄雲物見新秋。葉心菓熟紅將綻。階面苔深翠欲流。棋局頻移竹映榻。酒壺好待月登樓。惟君最愛清狂客。塵世何人識醉遊。

此首極似放翁楊公

灑然塵襟欲盡

飲張爾成少叅署中

高齋竹柏漏聲殘。促席停杯興未闌。千里風塵驚短髮。十年供奉憶同官。霜清衛水雲帆壯。雪滿天雄玉

塵寒北斗共瞻新氣象。故人幾許在長安。

蒼壯中復饒

俊逸梅公

感慨深厚

愆而不怒

送王去非督學江西

春日仙郎出鳳樓。錦帆雲樹下南州。龍門高倚章江曉。虎觀遙開廬嶽秋。且自瞻星知紫氣。何妨懸榻待名流。起衰八代屬君任。莫倚登臨誇壯遊。

豫章講院凌雲構。鹿洞鷺湖天下稀。朱陸遺風今在否。王羅盛事豈相違。三江波靜涵明月。五老峯高入

太微我昔扁舟曾繫纜。十年別舊思依依。

頌中有規益

徵古道梅公

清圓超朗

響可穿雲

送張少叅內召

雲霄供奉舊仙班。紫禁傳宣新賜環。十載使星高象闕。九天卿月照龍顏。旆旌載路秋光好。侍從重來玉佩閒。聞道至尊勤顧問。夜深前席莫虛還。

聯袂銅龍吟暮曛。廿年踪跡歎離羣。世間懶慢無如我。天下文章盡在君。別殿譚經爐氣上。玉驄扈蹕曉

光分瀛洲舊侶如相問。三逕荒蕪未可聞。

遇合交情層層寫出梅公

綿麗氣格

復森迤

贈湖州吳太守

仙郎起草最知名。幾載褰帷雪上行。按部雨餘香稻晚。課農花發曉雲輕。南宮書画添新譜。李相亭臺續舊盟。聞道賓朋常滿座。青樽真見古人情。

行藏久矣付烟蘿。為憶舊遊買棹過。兩岸蓼花窺客鬢。一江寒夢落漁蓑。水歸吳會疑無地。峯入苕溪

似螺。知爾登臨頻作賦。峴山高會近如何。

贈吳冉渠少府

五月榴花照畫軒。一時人物壓中原。圖書鄴架雄東壁。金鼓樓船控海門。月上晚潮兩岸寺。雲生京口千家村。傳聞漢殿虛青瑣。曳履風雲侍斗垣。

使君政簡坐東亭。遶郡青山似画屏。座有詞人續楚頌。門迎仙客注丹經。當年百粵懷廉吏。此日三江識歲星。自笑十年空白髮。扁舟湖海嘆浮萍。

丰神秀逸梅公

潛齋先生遺稿 詩

調穩

贈何雍南

江左風流迥不羣。蕭齋梧影坐斜曛。逸才自昔悲搖落。高志應堪寄野雲。入室兒童爭問字。到門賓客定能文。欲尋丁卯橋邊路。見說許渾得似君。

結語清拔

京口贈友人

蕭山精廬邊界

結宇三江紫岫間。薜蘿遶磴俯澄灣。陸機文賦年方少。陶亮閒情興未慳。花滿芳樽留素月。牕明綵筆照

青山把君一卷吟。蕭寺夜雨孤燈好閉關。

語有規箴

三四語有涵蓄

錫山別賀天士

浪跡湖山求友聲。文章惟爾重西京。一時贈編多名士。千里傳書動上卿。對酒方驚秋葉晚。登舟已掛片帆輕。莫愁別後雲鴻濶。梁苑吳江月共明。

雋永

其調凄清情因以遠

晉菴先生遺稿詩

東林寺

疎雨松林白鶴棲。遠公精舍一峯西。青楓雲鎖談經洞。碧水蓮開送客溪。法相仍傳阿育記。殘碑猶是晉人題。石欄把酒懷元亮。煙遶柴桑望欲迷。

參差石勢抱禪扉。萬仞羣峯帶落暉。碧澗淙泓數磬響。白雲縹緲一僧歸。閒從苔壁識殘籀。靜愛風泉坐釣磯。五老青牛烟嶂外。明年策杖莫相違。

淵明過虎溪時諒亦爾爾梅公白雲句名勝

送李襄水赴楚幕

詔選名賢佐上游。一時賓客重荊州。論兵定憶羊公碣。作賦先登王粲樓。霜夜劍光高虎氣。暮雲畫角動江秋。甘泉佇望烽烟靜。漢殿策勛第一籌。

只暮雲畫角一句已堪凄絕梅公可稱悲壯

戊午應 召入都雷別里中親友

蕭然蘿薜絕雙魚。雲外忽傳有鶴書。學道原因息翻蚤。出山翻悔避名疎。幽花谷口遙相映。野鷺溪邊迥

晉菴先生遺稿詩

自如龍尾班行真濟濟。拙庸應許歸茅廬。

簇簇郊關擁畫輪。臨河握手話酸辛。藝花選石多同

調。待漏鳴珂少故人。倦鳥寧能歷遠岫。歸雲何意覆

通津。入朝倘得辭簪紱。春水還期理釣綸。

安車蒲輪恍

然在目梅公

回環圓瑩讓

任憂樂具見

途中苦雨

西風久雨苦萋迷。客子逢人問路蹊。遠浦暗雲藏古
寺。斷橋平水接長堤。當車苦霧征衣濕。倚岸高槐獨

鳥啼。歲暮可能歸舊隱。村隣濁酒正堪攜。

是一幅征人

過雨圖梅公

清壯激昂

聲可薄雲

長垣北十里學堂岡。有夫子廟相傳四賢言。志

處廟內有堂懷英篆

既弘明復書杏壇一好大字

柳陌乍隨岡勢轉。杏壇忽傍柏林開。轍環魯衛行將

老。道繼唐虞志未灰。蝌蚪文銷存蠹鼠。蟻尊歲久剝

雲雷。階前風雨傳松籟。疑是瑟聲入座來。

謝眺工於

發端梅公

石鼓文有其洪濛少此秀色

送李子德奉旨歸養

薊門疎雨澹秋陰。惟爾斯行重古今。賦就上林纔賜第。表陳東掖蚤抽簪。關河落照鄉山迥。驛路鳴蟬野樹深。到日高堂應戲綵。御香未散遶衣襟。

史才經術在關中。詔領羣儒集漢宮。瞻望白雲子舍在。拜違黃闕

主恩隆。比隣載酒東臯子。

山史戴笠譚詩丹里翁亭

先生回首應憐同調客。編摩寂寞老揚雄。

二首用意雖多章法井然

如建章宮闕巍峩闕殿中自有萬戶千門

辛酉二月初侍講筵紀事

文華春殿旭光濃。

帝簡儒臣侍九重。紫禁天章詞煥爛。紅雲寶幄語從容。

容細旃風定。牙籤啟袞袖香飄。玉珮從典學千秋際。

聖主微臣何以稱。遭逢

御氣氤氳繞

玉皇西清霞彩映。龍裳經陳謨典。

天心正學闡勲華

帝道昌敢向 盛朝稱管晏何須文藻繼班揚恩深
覆載安能報誦讀衡茅志未忘

擬

上賜大臣遊溫泉詩

山陵疊翠倚層霄瑞靄晴臨碧澗遙石上泉聲隨玉
漏巖邊樹色映金鑣雲峯遠結盤龍氣瀑水近當踞
虎橋一奉 恩榮歌鎬燕長從仙蹕聽簫韶
碧潭波遶翠微迴帳殿紅雲覆綠苔聞苑烟深朝終

節華清春曉對蓬萊山光獻壽天杯永寶翰騰輝

御榜開萬國共瞻隆孝治漫言驪阜重仙臺

傍巖依岫敞離宮 詔賜恩波卿貳同閣道周迴香

濡裏衣冠趨步綵雲中不須雕斲傷元化惟有真淳

表 聖功何事露臺誦漢主萬年儉德仰 皇風

薊北烟巒俯大溪甘泉春色接丹梯曉來嵐氣當牕
入雨過花光拂座低搖曳霓旌依欄轉參差豹尾與
雲齊願將景物同民樂薄海烝生望紫泥

莊重典雅盛
唐傑構梅公

詩

七

四詩典重中氣逸音清
蘇頌李嶠差可相方

祝金棟存侍郎

蚤歲文章動紫宸。丰標勛業重簪紳。臺端碩畫排羣
議。樞府秘籌仗偉人。鈴閣常閒還執法。牙籤滿座更
留賓。請看玉樹菁蔥色。直與喬松插漢津。

送王子言請假歸省

五載京華心事違

主恩今許覲庭闈。白雲路遠漕河轉。鄉樹影連岱色
微。客裏詩成題驛壁。堂前花發待斑衣。故人潦倒長

安久。何日如君賦日歸。

贈柯素培右通政

垂紳梧掖正華年。幾載清卿侍御筵。折檻盡關天下
計。伏蒲還使萬人傳。芰荷掩映吳江雨。鴻鴈飛鳴楚
澤烟。輦鼓日聞勤廟筭。正須舟楫濟洪川。
銀臺班近紫微垣。元老頻承異數恩。只爲思親懷故
里。倏然拜表出都門。月明酒載東山墅。花發詩成獨
樂園。玉樹雙雙凌碧漢。德星常是照華軒。
人日和郭快圃作次韻

椒花彩勝懶隨人。閉戶攤書笑此身。白首校文嘗午夜。寒天點易及霜晨。節遲時未立春郊柳應含凍。雪少村梅可放春。稍待西山芳草綠。招邀朋輩醉芳辰。

題畫

秋林不厭靜。高士自能閒。鎮日茅亭下。開牕對遠山。

寫景澹遠梅公

泊然如在林壑

題觀音像

我本學洙泗。邀君來我軒。圓通有妙理。相對已忘言。

西來菴題壁

禪門深鎖萬松間。江上白雲自往還。雨過捲簾無餘事。一編周易對焦山。

似一幅高人圖畫梅公悠然南山之意如是如是

西來菴贈水齋上人

上人舊為寧夏總兵

白馬西來掃野雲。居人誰識舊將軍。楞嚴讀罷焚香坐。一鉢江泉到夜分。

道子寫生之筆梅公

其音
淡冷

戲贈

飯辦松花芰辦衣同羣鷗鳥渾忘機
駝岡不減柴桑社擬剪蓬茅待汝歸

供奉龍標可

以鼎足梅公

如此大事只作戲

贈亦知直言之難

贈懷慶太守

野王山路曉雲橫一水滌迴遶郡清
兩岸柳條凝露濕年年常見使君情

西門古廟鄴城陰父老笙簫直到今見說行山寺似

無濟源爭比濁漳深

諸詩以少陵為宗而時時出入諸家如五言古有

學郭景純阮嗣宗者七言古有學任華張籍者五

言多從陶韋入門七言應制醜摹初唐間亦有效

法濟南處當分別觀之 梅公

詩餘

賀新郎 秋思

雨脚纔收了。竹簾開。梧桐墜露。淡煙如掃。一派秋聲
四。字。秋。容。如。畫。
吹木末。况漸蘋衰。楓老。問今歲秋光多少。貰酒東臯
凝望眼。看浮雲變幻。入林緲。思疇昔。縈懷抱。空江
採芣蓴絲好。擢輕舠。遙峯隱約。放歌霞表。世事渾同
蕉鹿夢。擬向華胥醉倒。更說甚。桃花源杳。白恰青鞵
尋釣侶。待月生一笛。驚鷗鳥。悲歡話。付溪草。

露桐月笛皆有佳趣
何必宋玉悲秋梅公

晉菴先生遺稿 詩餘

淨如
拭荷

滿江紅 後池千葉蓮盛開漫賦

藕葉鋪池。連陰雨溪流青漲。東里叟扶筇還問後渠
無恙。隨地菰蒲雙鷺宿。垂楊半掩波紋上。碧煙開映
曉弄新粧。輕盈狀。廬山社幽情漾。溢浦岸清風宕。
似層層紅豔美人堪餉。月下時聞芳露滴。呼兒學作
漁郎唱。夢醒來十里野塘中遙相望。

千秋歲 八月十六日夜翫月

暮霞成綺。又送冰輪起。花影裊。簾波細。輕清河漢色。

珍重嫦娥意。今歲好。今宵賒。取明年醉。玉笛情堪

寄。雲母屏還倚。瓜再削。盃重洗。紅牙翻舊譜。妙舞風

吹袂。澄露滴盈堦。桂落天如水。

滿庭芳 秋日閒居

雲澹霜洲。雁飛葭浦。兩行煙樹柴門。紙牕茆屋。秋氣
映朝曦。壯歲歸田作賦。十餘載高臥丘園。漁樵伴時
來問訊。紅葉認山村。漫論今古事。柴桑谷口。往蹟
猶存。但茶香竹裏。酒沸松根。午榻清眠。夢覺看籬畔
菊蕊堪餐。憑欄坐南華一卷。朗詠到黃昏。

高老處似
稼軒梅公

曠間

以蘇陸辛劉之筆寄柴桑浣花之情賢者何所不可然其幽懷一種正不在此

詩餘莫盛于宋人而周程橫渠皆不聞有一調惟考亭偶為之而非所長先生於此亦適意而已不計其工拙也 梅公

潛菴先生志學會約

睢州湯 斌潛菴著

宣鎮闔梅公甫評定

同里田蘭芳箕山較

學者莫先於立志孔子十五志學便志到從心所欲不踰矩我輩四五十尚未知志學何以為人程子曰言學便以道為志言人便以聖為志今與諸君子立會以志學名欲先定其志要識聖人之所志者何志所學者何學如適京師者必先識京師之路雖相

去千萬里。畢竟路逕不差。漸次可近京師。否則適北而南轅。用力愈勤。相去愈遠矣。後列會約數則。大畧本之馮少墟先生舊約。而稍稍增損。附以已見。亦藉以就正先生長者焉。

一會每月以初十一廿一。中午爲期。不用東邀。一揖就坐。世情寒溫語不必多。各言十日內言之得失。務要直述無隱。善則同人獎之。過則規正。所講以身心性命綱常倫理爲主。其書以四書五經孝經小學濂洛關閩金谿河東姚江諸大儒語錄及通鑑綱

目大學衍義等書爲主。不許浮泛空談。褻狎戲謔。凡涉時政得失。官長賢否。及親友家門私事。與所作過失。併詞訟請托等事。一槩不許道及。違者註冊記過。一會中崇真尚朴。備饌多不過八器。圍坐。葷不許過。素若人少。卽四器亦可。飯罷酒卽止。甚勿杯盤狼藉。飲酒笑謔。以傷雅風。違者註冊記過。

一會中置一冊子。凡是日講論有能發明義理。或近日有所心得。卽錄冊中。以便商訂。或有疑難。一時不能明白者。亦記冊中。漸次考正。亦日知其所亡。月無

忘其所能之意，仍將所問答參悟有合於道者，畧為綴紀成篇，以存其說。

一彼此講論，務要平心易氣，即有不合，亦當再加詳思，虛已商量，不可自以為是，過於激辨，舍己從人，取人為善，聖賢心傳正在於此，否則雖所論極是，亦見涵養功疎，况未必盡是乎。尤西川先生云：讓古人是無志，不讓眼前人是好勝。

一學之不講，孔子且憂，况學者乎。人心易放，學問難窮，故親師取友，一則夾輔切劘，使不至放逸其心，一

則問津指路，使不至錯用其功。總之自己求益，非務外徇人也。鄒東廓先生云：講學者非以資口耳，所以講修德之方法也。聞義而徙，不善而改，便是講學以修德實下手處。呂涇野先生云：學不講不明，非是自己矜將驗已之是非。又云：道學之名亦不消畏，避人知方是知此真做，纔有避人知的心，便與好名的心相近。我輩浮沉世味，悠悠歲月，衰老將至，漫無心得，碌碌一生，草木同朽，豈不負父母生成之恩，為宇宙間一大罪人。往者不可諫，來者猶可追，我輩大家猛省，非求

名譽非結聲氣。總要各完自己性分。各成自己人品。下至喪盡幾希。淪於異類。富貴功名。轉眼卽空。如不可求。從吾所好。願同志者。相與精進。勇猛共證此事焉。

一人非聖賢。孰能無過。吾輩發憤爲學。必要實心改過。默默點檢自己心事。默默克治自己病痛。若瞞昧此心。支吾外面。卽嚴師勝友。朝夕從遊。何益乎。每見朋友中自己吝於改過。偏要議論人過。甚至數十年前偶誤。常記在心。以爲話柄。獨不思士別三日。當刮

目相待。舜跖之分。只在一念轉移。若向來所爲是君

子。一旦改行卽爲小人矣。向來所爲是小人。一旦改

圖卽爲君子矣。豈可一肯便棄。阻人自新之路。更有

背後議人過失。當面反不肯盡言。此非獨朋友之過。

亦自己心地不忠厚。不光明。此過更爲非細。以後會

中朋友偶有過失。卽於靜處盡言相告。令其改圖。卽

所聞未真。亦不妨當面一問。以釋胸中之疑。不惟不

可背後講說。卽在公會中。亦不可對衆言之。令彼難

堪。反決然自棄。交砥互礪。日邁月征。庶幾共爲君子。

改過遷善為聖學第一義我輩勉之

一聖賢義理載於五經四書而其要具於吾身若舍目前各人進修之實不以改過遷善為務縱將注疏大全辨析毫釐與已終無干涉聖學首重誠意自欺自慊皆在隱微獨知處勘證若徒彌縫形迹不實在此是聖學的脉心地打點即外面毫無破綻總是瞻前顧後義襲而取苦力一生究竟成一鄉愿到對天質人處心中多小愧怍我輩着實用力必期躬行心得義利誠偽關頭不可一毫將就混過此日勉強久之必有純熟景

界陽明先生致良知為聖學真脉各求所以致之之道勿忽也

一近日風俗衰薄巧詐滋起比我會中各宜敦本尚實力崇古道不得槩從流俗苟且避謗至於四禮儀節亦當斟酌復古有斷當改正者亦不必因循隨眾一善是大家公共的不是一人自私的為善却是自己擔當的不是他人強攀的既入會必須實實照約行否則彼此無益孟雲浦先生曰學者躡兩家船不得

新吾呂先生曰。吾學工夫。祇有事心一着。最爲喫緊。若把一心被耳目口鼻四肢驅策。如犬馬役使。如奴婢男兒七尺之軀。不能爲他做一張主。發之言動措之事業。縱有一二可觀。都是氣質作用。安得盡合道理。協於天則。必須發大勇猛。振委靡之氣。堅果確之心。勿以戒慎恐懼爲桎梏。勿以怠荒恣肆爲膾炙。於發憤忘食之中。嘗樂以忘憂之味。久則和順於道德。優游於矩度。馴焉安焉。纔是得力處。嗚呼。呼吸一過。萬古無輪迴之時。形神一離。千載無再生之我。悠悠

一世可爲慟哭。又曰。聖學入門。先要克己。歸宿只是無我。蓋自私自利之心。是立人達人之障。此便是舜跖關頭。死生岐路。又曰。敬者不苟之謂也。敬無他。攻更近裏着實擊此心之苟而已。故苟則不敬。敬則不苟。戒慎恐懼。心體不苟也。中規中矩。步履不苟也。無淫視。無側聽。耳目不苟也。安定辭守。如瓶聲音不苟也。無衆寡無小大。無敢慢。與人不苟也。一息尚存。此志不容少懈。終身不苟也。敬外無聖人。居敬外無聖人之道。其始也。毋不敬。終也。恭而安。盡之矣。又曰。防欲如挽逆水。

之舟纜歇手便下流。力善如緣無枝之樹。才住脚便下墜。是以君子之心無時而不敬畏也。又曰。學者要養心氣。心氣一衰。萬事分毫做不得。又曰。胸中只擺脫一戀字。便十分爽快。十分自在。人生最苦處。只是此心沾泥帶水。明是知得不能割斷耳。又曰。才能技藝。讓他占箇高名。莫與角勝。至於綱常大節。則定要自家努力。不可退居人後。

夏峰孫先生曰。靜坐讀書。須先澹其安飽之念。方稱好學。自世人以富貴為性命。以貧賤為讐敵。而壞心術喪名節。祇此欲惡兩念為之祟耳。程子曰。大凡學者。學處患難。貧賤。今觀孔顏樂處。不出乎世情所謂澹泊憂愁中。即伊川氣貌容色。逾勝平生。亦自涪川貶後見之。益信聖賢所為樂。不於富貴得志時。學者正要於此處見得分明。又曰。世人不知學者勿論。即素有志於學。動輒曰。目前為貧所苦。為病所苦。為門戶所苦。為憂愁拂逆所苦。不知學之實際正在此。貧病拂逆種種難堪處。不可輕易錯過。若待富厚安樂時。始向學。終身無學之日。學之晦於天下也久矣。又

曰大凡向學之人。獨立之意多。近於方方之弊也。為
單板。隨人之意多。近於圓圓之弊也。為軟熟。初學宜
以方入學。力深。單板自化。斷不可失之。軟熟耳。新吾
先生為同郡先哲。夏峰先生為今日先覺。故各摘語
錄數則。與同志共勗焉。

此會尚可想見。餘風不墜。賴有嗣音者續之。

梅公

引援精約。悚動喫緊。先生初會。日以仁者以天地
萬物為一體。命題思深。哉惜無仰承其意者。為一
恨事。

自瀟

洛關閩之失其傳也。著書立說者。徒
知尋章摘句。而身心性命之學。莫或能言。
余以為與其口能言之。身不能行之。無寧
不言者。猶率其真也。大司空潛菴湯先生。

跋
文行久為學者所宗。迹其生平始而仕仕
而已。已而復仕。入居匪贊。不亢不隨者幾
何年。出任保釐。興利除弊者幾何年。其間
閉戶藏脩。大闡鷺湖鹿洞之教者。又幾何
年。余景仰先生之為人。其品高。其望重。言

規行矩。津津乎與聖賢為徒。然恨未得從
先生游。猶未知先生深也。乙亥春。令子濬
以先生遺集五卷見示。余受而讀之。元元
本本。理深而詞達。氣靜而神怡。凡道德之
源流。經史之根據。上可以利


國家下可以福蒼生者莫不丁寧反覆洋
溢乎簡端間或寄情吟咏託意歌詞亦惟
抒寫天真得詩人溫厚和平之致以余思
之夫既本諸身心性命而見之著書立說
則見之著書立說而自益有味乎身心性

命也明矣又豈徒能言之而已哉余乃今
而後知先生深矣或曰至人無言苟能行
之焉用文為夫古今之理道秘而不宣自
有言而羽翼六經儀型百世作者謂之聖
述者謂之明言固不可以盡廢也今先生

雖歿後之人誦其詩。讀其書。不啻親承聲
 咳。奉為楷模。藉非言。又何以啓之哉。余知
 溯濂洛關閩之傳者。應為先生屈一指矣。
 時

康熙乙亥夏四月朔燕越胡介祉頓首謹

跋



胡介祉

